

Wilhelm David Habermann

**Programma Quo Rector Universitatis Rostochiensis Wilh. David. Habermann.
Med. D. ... Funus Acerbissimum Viri ... Dn. Joh. Mauricii Poltzii, Phil. & SS. Theol.
D. ... a Vidua Ipsus Moetissima ... Sophia Quistorpia, Ad Horam I. Diei II.
Decembris Anni Labentis 1708. solemniter paratum, indicit ... Cives Academicos
... invitat**

Rostochii: Weplingius, 1708

<http://purl.uni-rostock.de/rosdok/ppn769835422>

Druck Freier  Zugang



Habermann, W. D. ,

in

J. M. Poltz.

Rostock. 1708.

18.



Hactenus Fortuna videbatur nobis admodum placata & propensa, præsertim cum ad omen faustissimum solis Lunæque conjunctionis Regiæ, nostra invitaret nuper gaudia; eadem ipsa tamen desubito & vix die elapso mutabile suum

ostendit ingenium, & ad Lugubrem insignis cujusdam Stellæ Eclipsin contemplandam, tristissimumque pietatis officium præstandum, nos jam vocat. Sed fallor! non Fortuna, fragile illud figmentum; verum sanctissima illa Vis est, quæ ita providè curat dispensatque humana: hæc nobis nunc dulcissimum mel propinat, ut se nos amare monstret; nunc amaram nobis aloën offert libandam, ut nos esse homines commonefaciat. Solet enim tranquillitati diurnæ adfuetas humanas mentes sæpè deprehendere vertiginosus sopor, à quo nos optimè præservant amara. Hæc sunt illa verè balsamica, quæ nostram sanitatem securam atque sanam felicitatem præstant.

Ast

Ast securissimâ sanitate & summâ felicitate nunc
gandet Summè Reverendus & Excellentissimus DN.
JOHANNES MAURICIUS POLTZIUS, Phil.
& S. S. Theol. Doct. Laudatissimus, Reverendi Mi-
nisterii Senior, & ad S. Johan. per XLI. annos, ad S.
Spiritus verò ædem per XXII. annos Pastor longè me-
ritissimus :

Qui rebus humanis exemptus, nobis tristissimum
desiderium sui, & acerbam hanc scribendi materiam
reliquit. Cineribus hujus Viri Beatissimi, debitum
solvamus honorem, fuere enim domicilium Vitæ in-
tegerrimæ & dignissimæ, quæ nobis in exemplum po-
natur atque post mortem quoq; in animis nostris vivat

Vitæ suæ principium cepit, primamque in
orbe lucem aspexit Anno Æræ Christianæ 1638. d. 4.
Maij. d. 9. hor. $\frac{1}{2}$ Secund. noct. Genitore
Viro Plæclarissimo DN. M. JOHANNE POL-
TZIO, Carolinis Thermis Boherno, Gymnasii tunc
Berolinensis Rectore, antehac FCTis Philosoph. in A-
cad. Witteberg. per annos complures Adjuncto; Ma-
trevero Matrona Pientissima & Virtuosissima, CA-
THARINA BUTELIA, Viri quondam Consultissi-
mi. DN. MAURICII BUTELII insignis JCTi,
atque Dicasterii Electoralis, quod Primislaviæ est
Advocati, ordinisqve equestris Syndici nec non civita-
tis jam dictæ Senatoris meritissimi; ut & Matronæ
perquam honestæ CATHARINÆ LUDECÆ filia-
Avo vero Viro plurimum Reverendo atque Clarissimo
DN. GEORGIO POLTZIO, Ecclesiæ Schön-
waldensis in Bohemiâ per integros XXV. annos, &
postquam propter Lutheranam Evangelii confessio,
A 2 nem

nem, loco pulsus esset; Beuzenburger in Marchia,
Pastore vigilantissimo. & Avia Matrōna honestissima
CATHARINA SEGERIN. His Genitoribus
planè eximiis prognatus B. Noster, anno ætatis suæ
primo statim adversam cum Parentibus fortunam, du-
biumque Neptunum expertus est. Cum enim Pestis
tunc temporis Berolini ingravesceret, Parens ejus
permissu Amplissimi Senatus, post oclusum tunc
Gymnasium una cum aliis amicis familiam supersti-
tem per Havelam Albimque fluvios Hamburgum ad
Affines Cognatosque traduxit. Cumque veterem
tunc præceptorem ac Patronum *D. Nicol. Hunnium*
Superint. Lubecensem accersitus adiret, auctor is ipsi
fuit, ut resignato Berolinensi Rectoratu, inclytæ Wis-
mariensium Scholæ regimini se addiceret; quod & fe-
cit, filiumque simul Hunc suum Scholæ istius alumnis
adscript. Sed parente Anno 1644. spe citius Wisma-
riæ piè defuncto, Matertera Nostri ANNA ELI-
SABETHA BUTELIA, Clarissimi *M. Viti Huf-*
magelii, Scholæ Primislaviensium, tunc Rectoris,
deinde vero ibidem Pastoris Coniux, Eundem osten-
nem tunc puerum sibi educandum à Matre vidua re-
quisivit & obtinuit: verum cum anno mox secundo
tenaci corripere morbo, qui integrum fere annum
decumbere ipsum fecerat Primislaviâ mater Wismari-
am revocare filium cogeatur. Quo cum rediisset,
meliusque æger haberet Scholæ redditus est: in quâ sub
præceptoribus fidelissimis, in pietate literisque lauda-
biles fecit progressus; ac Anno 1649. Rostochium una
cum quibusdam commilitonibus concessit, & prævio
depo-

depositionis ritu pro more illius temporis nomen suum
Albo Academico est professus.

Tum verò Providentiâ, Orphanos viduasque cu-
rante, factum est, ut Mater post sexennium viduita-
tis laudabiliter peractum, transfiret ad matrimonium
secundum, cum viro Plur. Reverendo *M. Joachimo*
Brücken / Templi Mariani, quod Wismariæ est,
Archidiacono: qui affectu verè paternò, nil earum
curarum omisit, quæ ad erudiendum ornandumque
huac suum Privignum, & quem adsciverat Commi-
litionem JOACHIMUM SCHROEDERUM, Maxime
Rev. Dn. M. JOACHIMI SCHROEDERI, Pastoris
hic Johannei filium natu majorem, dehinc Beati nostri
Dn. affinem, jamque apud Gufrovienfes Concionato-
rem Aulicum, & Superintendentem Districtus Gu-
strovienfis gravissimum facere existimabat: eumque
tradidit in disciplinam exquisitæ Doctrinæ Viris, Recto-
ribus tum temporis Scholæ Wismariensis, quorum
ductu eximia in Linguis, Oratoria, Poesi & Mathesi
jecit fundamenta. Anno 1656 ad Gymnasium Hambur-
genfe processit, ibidemque sub Dn. *Joach. Jungio* Re-
ctore. Dn. *Petro Lambecio*, incomparab. Polyhifto-
re, (qui deinde ad Pontificiorum castra proh. dol. defecit)
D. *Kirstenio* egregio Mathematico, aliisque Præcellen-
tissimis Professoribus, in Linguis orientalibus om-
nib. Philofophia. Theologia. Mathesi felicissimos fecit
egregiæque spei progressus.

Anno 1658. Aca-
demiâ hanc denuo ingressus., Professores toto orbe
celebratos, publice privatimque audivit: nempe in
Theologicis, D: *Joh. Georg. Dorscheum*. D. *Herman*
Schuckmannum

Schuckmannum. D. Casp. Mauritium. D. Joh. Quistorpium
 II. *D. Joh. Christ: Ottonis. In Ebraicis D. August. Va-*
renium. D. Mich. Cobabum in Mathesi, D. Gosmannum. in
Metaphyl. D. Laur. Bodockium in oratoria. D. Wolden-
bergium in græcis. M. Andream Tscherningium in Poesi.
M. Dringenbergium in Ethicis, M. Matth. Was-
mutium in Ebraic. & Arabic. Hisce junxit quoque
 privatos Magistros diversos egregios Viros, in quibus
 sunt *M. Theod. Jordanus* Luneb. Philosophus perquam
 eruditus. *M. Georgius Niehenckius*, hodie apud nos Pa-
 stor Marianus meritissimus Collega Beati Nostri con-
 junctissimus, aliique. Anno 1659. sub Præsidio
M. Barthii Disputationem publicam de Amoribus E-
 gregororum & de agnata his materia, scilicet incubis
 & succubis cum laude habuit; opponente tum & egre-
 gio Epigrammate (quod videre est in Programme
 Dissertationi Inaugurali Beati N. præfixo, ex quo
 Programme hæc et sequentia sunt desumpta) ludente
 & gratulante incomparabili polyhistore *Morbosio*, qui
 tum erat Studiosus, & Amicus Beati N. singularis. Stu-
 diis hac ratione & ardore indefesso per biennium
 continuatis animum ad peregrinandum applicabat
 & Anno 1659. Filiis Chiliarchæ Suecici cujusdam E-
 phorus electus, cum iisdem in Insulam Danorum
 Fioniam, ad filiorum Parentem, profectus est, post-
 modum ad externos iter ingressurus. Danis vero
 circa id temporis ex improvise Insulam hanc suam
 recuperantibus. Suecisque cum Chiliariha ductis
 captivis, mutavit itineris suscipiendi consilium: &
 Ottoniæ (est metropolis Insulæ) apud Literatos &
 Cymnasii

Gymnasii Professores remansit; ibidemque *Sophia Rosencrantzia* Præstantissimæ Archimarethalli Danici Dn. *Andre. Billen* Viduæ, nepotes duos ut & *Falconem Brabe*, informavit.

Biennio in hâc Insula exacto, in Sueciam profectus, filiis Dn. *Johannis de Hagen* Reg. Majest. Suecicæ Factoris mox Ephorus dabatur, cum quibus Anno 1664. ad Academiam Upsaliensem missus: ubi ultérieures in S. S. Theologiâ & Philosophiâ progressus fecit, Celeberr. Theologorum D. *Laurentii Stigzelii* & D. *Lithmanni*, *Christiani Ravii*, aliorumque consuetudine usus.

Upsaliâ poraro perrexit Holmi- am Suecorum, ubi magnum Patronum Dn. *Joh. Jacob Peiffium* Eccles. Germanicæ Pastorem & Episcopum Esthoniæ designatum, invenit; cujus nutu sæpius in Eccles. German. templo concionator auditus est. Quamvis autem promotionis spes sub tanto ibi Patrono affulgeret, Matris tamen precibus Wis- mariam Anno 1666. retrahebatur. Ubi Magnis Viris, præcipue Illustri Cto *Mevio*, tunc Tribunal. Vice- Præsidi, ignotus esse non potuit: cujus præsertim ope in notitiam præcipue hujus Civitatis Consulis Meritissimi Dn. *Matth. Liebherrii* devenit. Ubi ergo rediit ad Universitatem nostram, hospitio t. t. Plur. Rev. *L. Grapii*, tunc Logices Professoris & FCtis Philo- soph. Decani exceptus est; qui Magisterii mox gra- dum diu promeritum ipsi contulit. Facultate sic docendicum gradu instructus Collegia non tantum Stu- diosis cum applausu aperuit; sed & ex Doctrina Theo- logorum eruditione immortalium D. *Varenii*. D. *Mul-*

ler;

leri D. Cobabi, quibus perpetuò adhæsit, sibi eruditionis veræ thesauros acquisivit.

Tandemque obtinuit quod Pietas & Eruditio Ipsius merebatur. Inter hæc enim studia Anno 1668. Promotore supralaudato Consule Dn. Liebherrio, ab Amplissimo hujus Urbis Senatu, Viro Emerito Plur. Rever. Dn. M. JOACHIMO SCHROEDERO, ad D. Johannis templum hic Pastori, Deo ita Disponente surrogabatur; cujus quoque filiam SOPHIAM, Virginem tunc Lectissimam, iussu Plur. Rev. Avunculi sui magni M. LUDECI, Pastoris & Inspectoris Francofurtensis ad Viadrum, matrimonio sibi jungebat: quam ut summè amavit, ita cum eâ conjunctissimè vixit, ut erat sane leni cum primis sedatoque ingenio; ab ipsa 9. liberorum parens est factus, ex quibus quatuor ad plures abierunt, & quinque adhuc per DEI gratiam supersunt. Filii nempe duo nimirum Plur. Rev. DN. JOHANNES JOACHIMUS POLTZIUS, Philosophiæ Magister & Ecclesiæ Furstenbergensis Pastor benè meritus, (qui sibi in thori sociam elegit Anno 1700. ex Aulâ Ducali Strelizienfi, Virginem Lectissimam, JOHANNAM ELEONORAM ELISABETHAM GARDMINN.) & DN. MATTHÆUS DIETERICUS POLTZIUS, Medic. hodiè Doct. experientissimus (qui vinculo conjugali sibi junxit Virginem ornatissimam ANNAM CATHARINAM KREYEN, Viri Ampliss. Prudentissimiq; DN. DANIELIS HENRIC. KREYEN Consulis Wollinensis primarii filiam) ex quibus Venerandus Avus vidit, neptem svavissimam
Supersunt & tres Filia, Virgines Florentissimæ.
DOROTHEA

DOROTHEA CATHARINA. SOPHIA ELI.
SABETHA & EVA MARIA. Egregiâ vero

hâc priori Conjuge SOPHIA SCHROEDERIANA

Anno 1685, piè demortuâ Beatus Noster anno seq. 1687.

post molestum ac triste Viduitatis biennium secundis

sibi votis Deo sic volente, alteram junxit SOPHIAM,

B. Dn. D. QVISTORPII II., S. S. Theol. P. P. celeberr.

F. C. t. Theol. dum viveret Senioris, ad D. Jacob.

Pastoris & R. Ministerii Directoris longè meritissimi,

Filiam natu majorem, Virginem tunc Virtuosissimam,

& Conjugem tantæ in Maritum fidei, quanta in ullam

cadere potest; quæ quantis doloribus Beatum, tam

subitò ereptum, prosequatur, quilibet facillè conjicere

potest, præsertim cum mutuus & integerrimus fuerit

amor, quo se invicem tuère per 22. annos durantis

Conjugii complexi. Ex qua similiter prognati sunt

quinque filii, unaque filia: Sed quatuor filii cum filiâ

mortales esse desierunt, unico adhuc superstite per

Dei gratiam Filio HENRIGO CHRISTOPHORO

POLTZIO, Philos. & S. S. Theol. Studio solertissimo

& Paternarum virtutum æmulo, quem DEUS in Viduæ

Matris moestissimæ solamen diu validum florentemq;

esse jubeat; nec minus Clarissimæ Familiæ lachrymas

benignissimè abstergat, nec ceroremque acerbissimum

efficaciter leniat!

Licet autem Pastoralis officio, hoc est Laboribus

& molestiis, districtus esset Beatus Noster, non tamen

desistit Academicis vacare laboribus; Sed Academicæ

Juventuti subinde Collegiis modo Mathematicis, modo

Ebraicis, modo Homileticis, aliisque profuit: ediditque

B

egregios

egregios Ingenii sui fetus, nimirum *Vitam Christi, Germaniam Regnantem. Chronicon Hungariae. Primordiae Rerum & Opus Creationis Primi diei, quaestionibus 57. comprehensum. Originem Festorum. Sphaerographia* (egregium & dilucidè conscriptum) *Compendium*, aliisque eruditis scriptis scientiam Mathematicam suam probavit; & praesertim cum anno 1680. insuetæ Magnitudinis Cometa appareret suas de illo *observationes cum homilia* publicavit; unde & Serenissimo Principi Mecklenb. GUSTAVO ADOLPHO Gloriosa recordationis innotuit, qui proinde cum omnem operam Calendariis ut vocant à superstitionis praedictionibus repurgandis intenderet, Beati Nostri operatus est. Unde & gratiâ semper suâ amplecti ipsum, & aliquoties ad se accersitum, suâ sponte ex suggestu in arce Ducali audire fuit Clementissimè dignatus. Cum vero negotium corrigendi Caledaria momenti non minimi esset, Theologis illud tam domesticis quam exteris fuit communicatum: quâ occasione plenior ipsi obtigit cognitio amicitiaque tum Concionatorum Aulicorum tum *D. Pomarii, Superintendent. Lubecens. & D. Gosmanni, Superintendent. Stralsund.* Imo eadem occasione Anno 1691. una cum Affine, sororis suæ marito, Viro Perqv. Rever. *Dn. M. Bernh. von der Linde / Eccl. Cathedral. Brandenb. in Marchiâ Pastore atque Inspectore dexterrimô Wittebergam adire voluit, super hoc negotio iudicium D. Mich. Waltheri, Theologi & Mathematici insignis auditorus, à quâ sanè & Dn. M. Nathan. Falkio, Fictis Philosoph. tunc Adjuncto, deinde*

deinde S. Theol. D. & apud Sedin, Professore
& Pastore, tanquam Cognato Qvistorpiano hu-
manissime exceptus est. Exacto ibidem pro-
spere negotio domum rediens & oblatio Sere-
nissimo

GUSTAVO ADOLPHO,

Calendariis jussu Ejusdem reformatis, gratiam
tanti PRINCIPIS sibi singularem auctiorem-
que reddidit, cumque Eidem SERENISSIMO
natalem novissimum anno 1695. Carmine quo-
dam submisit gratularetur, ex singulari Is ipsum
gratia ad Professionem Poëseos vocare est digna-
tus.

Quam tamen vocationem ipse semper
pressit, contentus honore, quod à Tanto tam-
que Erudito PRINCIPE, Professorio quoque
munere dignus fuerit judicatus. Et ut perpe-
tuo ab aucupio honorum alienus fuit, ita quo-
que Amicorum admonitionibus & incitamentis
opus habuit, priusquam de supremo in S. Theo-
logiâ assumendo gradu cogitaret: Præmissis er-
go examine riguroso & Dissertatione Inaugurali,
quam eruditam *De Servo DEI Justo, per notiti-
am sui multos justificante* ex Jfai. LIII. v. 11. Anno
1696. d. 20. Febr. publico cum applausu defen-
di; Promotore & Pro-Cancellario Dn. D.
ANDR. DANIELE HABICHHORSTIO, S.
S. Theol. Professore Ordin. FCtis Theol. & to-
tius Academiae t. t. Seniore, nunc Beato; Sum-
mos in Theologia honores diu promeritos d. 13.
Martii Anni ejusdem prædicti obtinuit. In

B 3

Pastorali

Pastorali autem officio ita se perpetuo gessit, ut
Ipsius Vitæ innocentia, assidua Vigilantia, rara
Fidelitas, indefessa Industria, meritaque præcla-
ra, quibus per integros XLI. annos in Ministerio
Verbi tam docendo, librosque insuper Biblicos
exordiorum loco, præviis fontibus exponendo,
tum adhortando & corrigendo, erigendo, tum
egenos & pauperes re ipsa solando, ægrotos
quotidie visitando, moribundos confortando, diffi-
dentes reconciliando, eximiè fultit; satis lau-
dari nequeant. Et hac ratione inter varias
tempestates adversitatesque, quas animosè fe-
rendo, feliciter in Domino superavit, tam Bo-
ni Pastoris, quam Pii Doctoris numeros imple-
vit; perpetuis molestiis laboribusque corpore
quidem defatigatus, ast animò fortis & robustus;
sanitate quidem fractus & anhelans, strenuè
tamen ad ultimum usque Spiritum, est inventus
Servus fidelis & indefessus in Vinea DEI SUI;
Qui nunc animam Ipsius, inopinâ licet ast ma-
xime piâ & felici mortis analysi ex hujus Vitæ
ergastulo liberare & Beatitudine cœlesti corona-
re voluit. Præeuntem morbum perbrevev ast
lethalem Vir Prænobilissimus, Experientissimus
& Excellentissimus Dn. D. JOHANNES
ERN. SCHAPERUS, Med. Prof. & Sere-
niss. Archiater Celeberrimus, Collega noster &
Amicus honoratissimus describit sequentibus:

Ad

Ad morbum B. n. quod attinet, inutago
viscida in pulmonibus copiosa & subinde tus-
sim, & frequens asthma excitabat, impri-
mis autem de posteriori affectu oriebatur. Ique-
rela, ultimis sua senectutis annis quando ipsi
erat eundem, ut hinc, nisi in suffocationis se-
conjicere vellet periculum, inter ambulationem
ad inspirandum liberius aërem, eumque placidi-
us expirandum quiescere cogebatur, siquidem
quiete & reparare respirationem & reficere pos-
terat corpus. In hoc agro molestoque statu B. n.
indefesso tamen suo fungebatur munere, & in
testando erga Amicos per presentiam affectu
perquam promptus erat, ut in neutro sic conce-
deret defectum. Idem sui favoris atque affectus
documentum, Amico cuidam suo publice ac so-
lemniter die 20. Nov. a. c. hic disputanti dare
eum vellet, aëri pluvioso & ingrato se com-
mittit, tenditque suo gradu & comite Asthma-
te cum bis repetita in hocce itinere quiete ad Au-
ditorium Academiae majus, huicque actui dispu-
tatorio solenni Auditor interest. Dum a. de-
stinato ad id tempore praterlapso egreditur, &
ad suos redire sibi proponit, eadem & consuetam
respirandi

di difficultas illum comitatur, eaque eò auge-
tur magis, quo minus ipsi quietis auxilii
hactenus sui prompti poterat dari locus; Unde
tandem ab alio fortè fortuna ipsi occurrente &
à B. n. tandem vocato suffultus omnes intendit
nervos, viresq, ut sacram attingeret eadem,
cujus vigilantissimus in huncce ipsi fatalem usq,
diem Pastor erat, dum per eam brevissima prae
aliis ad suos dabatur via. Quanto
suffocationis periculo autem id ab ipso erat tenta-
tum, prob! effectus docebat, Scilicet summum
aderat suffocationis periculum, nec quies ibi ob-
tenta solitum admittere poterat auxilium, sed
indubitato secuta illicò fuisset suffocatio, nisi ena-
tus spontè vomitus morti obrudisset inducias.
Sic ager morti proximus defertur ad suos, dum
per temporis moram insuper aëris vespertini
pluviosi & frigidioris inclementia suam simul
nocivam confert symbolam, & eo ipso catar-
rhus suffocativus capit vires, comitemq, vocat
soporem. Adhibebantur quidem illicò omnia,
à quibus auxilii spes capi poterat, & ad intervalla
à sopore initio excitabatur ager, sensuumq, sus-
orum ministerium & verbis & gestibus subin-
de

dē docebat; *at* intervalla tantum manebant,
Et eveniebat in super, ut quoties ipsi ad deglutien-
dum aliquid porrigebatur, id non tussim modo,
sed suffocationis presentissima periculum indu-
ceret, usq; dum mucus viscidus & copiosus ut
pectus ita & fauces fauciumq; terminos invio-
scans, aut accessum aut effectum remediorum
si non utrumq; illudebat, sic & Catarrhus suffo-
catorius & comes constans sopor, complicati in-
signes morbi, suo impetu exquisitissima supera-
bant remedia, ipsamqve artem, & morti para-
debant fores, cui quoqve ager suffocatus occu-
buit.

Ita est: placidē exspiravit Anno hoc 1708,
D. 21. Novembr. hora inter 9. & 10. matutina,
sub precibus & benedictione Viri Maximē Re-
ver. Dn. D. JOH. NICOL. QVISTOR-
PII, S. S. Theol. Prof. Publ. O. Rever.
Ministerii Superintendentis meritissimi; ut & Vi-
ri Plur. Rever. & Præcellentiss. Dn. M. Geor-
gii Niehenckii, Pastor. ad D. Mar. optimē meri-
ti, Confessionarii sui & Collegæ Coniunctissimi
Sub lachrymis & suspiriis Mæstiss. Viduæ filio-
rum filiarumqve, Agnatorum & Amicorum,
Auditorum, Fautorum, Oforumqve.


Et sic pervenit Beatus Noster Emeritus,
Summeqve Reverendus Senex JOHANNES
MAURICIUS POLTZIUS, ad quietem, quam
curæ

curæ nullæ amplius interpellanti Sic DEO ser-
vatori suo animam & Terræ Matri purissimos
cineres reliquit, certò meditantes Resurrectio-
nem in CHRISTO! hos Cives O. O. H.
debitâ pietate, memoriqve mente; & solemnnes
Exeqvias frequenti Comitatu honorare
velitis, amicè & diligenter con-
tendimus.


P. P. sub Sigillo RECTORATUS
Die II, Decembris Ao. 1708.

Conventus erit ad I. Pomerid,
in Æde Virgin.





Et intervalla tantum manebant,
insuper, ut quoties ipsi ad deglutien-
porrigebatur, id non tussim modo,
onis presentissima periculum indu-
lum mucus viscidus & copiosus ve-
fauces fauciumq; terminos invis-
cessum aut effectum remediorum
q; illudebat, sic & Catarrhus suffo-
comes constans sopor, complic-
suo impetu exquisitissim-
a, ipsamqve artem.
s, cui quoqve ar-



placit
emb
L
uperi
er. &
kii, Paf
onarii sui
is & suspir
mqve, Ag
Fautorum, O
pervenit Beatu
Emeritus,
Reverendus Senex JOHANNES
POLTZIUS, ad quietem, quam
curæ